

vonn Zehendnern empfangen / mit den zehendnern
abrechnen / auff das er sollich in sein rechnung bring
en / vnd wue es vorhanden / außgeteilt werde.

¶ Der .l. Artickel.

Welchen tag die Schichtmaister yre Regi
ster vorlegen / vnd wie die Necessz vnd Regi
ster verschlossen enthalden sollen werden.

fiatt:

Vnd sollen also die Schichtmaister dermassen
yhre Rechnung auff vorbestimpten Sonabend be
schliessen / vnd ein itzlicher sein Gewerkschafft vor
zeichent / sampt seiner Rechnung auff Montag ne
chst nach den Weichfasten / allein auff Pfingsten
Montag nach Trinitatis / vnsern Amptleuthen vor
gemelt / fürtragen / die besichtigen vn̄ vberlegen las
sen. Dieselbigen Rechnung sollen alle Sumarien in
einen Necessz / aller Artickel darinne begriffen / aus
beuelh vnser Hauptmans / bracht werden / den ge
zwifacht soll vns einer geschickt / der ander in ein la
de oder Kasten mit dreyen schlossen vorwart / sampt
allen Registern / sollen beschlossen werden / darzu vn
ser Hauptman einen / der Bergkmaister den andern
vnd der Bergkschreiber den dritten schlüssel haben
sollen.

¶ Der li. Artickel.

Die Schichtmaister sollen den Gewerks
en kein schreibgeldt rechnen. Vnd vmb ta
delhafftig Rechnung gestrafft werden.

fiatt

Die Schichtmaister / vnd der zechen Vorsteer
die nicht selber schreiben können / sollen kein schreib
geldt